

續輯漢陽縣志卷之七

隄防志敘

南條二巨浸滙於邑境其隄防險要宜視上游郡邑爲重顧若反輕焉者何也臨江石隄專以護城歲被蕩嚙勢頗難支他隄則禦湖澤支河積水其勢較緩且不勝隄也值江漲勢強偏新灘沌口漢口倒流逆灌連諸湖澤則四望渺茫聽其淪胥而已然無衝突潰裂之患此其所以反若輕也然江漲少平歲豐時暇因勢利導浚其支流疏其淤填

續輯漢陽縣志

卷之七

隄防

一

沮洳底滯之患庶可少蘇今取前後成迹備著之篇覽者三復考究得徐求灑沈澹災之策或少有裨益乎志隄防

護城隄石隄一道原編上下兩字號自朝宗門起由南紀門至小西關共長五百三十四丈張王磯護岸長三十丈均高一丈二尺乾隆三年前令沈孟堅詳請動帑修理四十八年張王磯坍塌前署令史湛承修一次並添建朝宗門正護岸一道五十二年張王磯護岸暨南紀門正護兩岸復坍塌前令

王鵬南請修一次嘉慶五年朝宗門上字號正護岸及新舊閘口均坍前令陳瞻燧請修一次十七年朝宗門上字號正岸及舊閘口又坍前署令方求鼎請修一次二十年南紀門朝宗門迎水壩復坍前令裘行恕承修一次道光十年自南紀門至朝宗門微有坍卸前令福克金阿請修一次十八年自河泊所至張王磯上下兩閘口全坍前令郭覲辰請修一次均造冊報銷

續輯漢陽縣志

卷之七

隄防

二

按舊志載朱衣曰少時見朝宗門外去江岸數十丈沿岸有短牆橫亘數丈迤南北民居深者屋二層居後有甃井二屋後可以馳馬又王光裕曰漢陽南紀門外原有南壇自江岸至城計五百餘丈江中大洲上多蘆荻內有河套客舟蟻集兩岸貿者相聚爲市民樂其利城亦賴以鞏固蓋二公皆嘉隆時人故所見如此至嘉靖以後江岸崩卸城去水不滿丈餘近逾二百餘年南紀門外已爲江水所齧漸偏城根免溺隄一名楊柳隄在縣北三里明正德初知縣蔡

欽築自鐵門關接漢水亭亭廢義民周南佐以石  
橋歲久橋圯隄亦廢萬曆三十五年郡守王宗本  
修因名王公隄 國朝順治十三年郡守邱俊孫  
重修康熙七年郡守陳國儒復修雍正時郡守高  
綱率紳士甘昌祺復建石橋其上名曰高公橋  
新豐隄一名永豐隄在城西北半里康熙八年郡守  
陳國儒重修

蓮花隄在城北興國寺晴川閣右有石橋上左右二  
渠皆種荷花

續輯漢陽縣志

卷之七

隄防

三

三擱石隄在城西五里黑山南梅子山北月湖尾  
年僧 募修

郭公隄在城西北大別山麓月湖中北抵漢口五顯  
廟南岸長二百四十五丈高三丈濶一丈八尺中  
建石橋橋北有水鑑亭雍正二年前郡守郭朝祚  
倡同紳士募築歲久亭廢嘉慶時前令裘行恕於  
橋北里許建鐘樓咸豐五年粵賊踞漢陽石橋爲  
其所毀同治二年郡守鍾謙鈞重修並於隄北建  
鏡湖牌樓外置月城上建 文昌閣與漢口 武

聖關分南北岸對峙焉

袁公隄在漢鎮後鎮爲水陸交衝江漢湖三水環繞夏秋之閒常成巨浸明崇正八年通判袁焯勦築此隄 國朝同治二年郡守鍾謙鈞築堡於隄外護之六年復於舊址加高培寬並建上中下三閘以資蓄洩是年水至約禦水三尺居民賴之堡外卽土人所謂黃花地

舊志黃花地卽廢襄河春時水涸黃花燦如金色邑人士馳馬習射鬪雞走狗於其中茅亭花榭市

續輯漢陽縣志

卷之七

隄防

四

茶酒者全集亦漢上勝概也唯自辛卯後頻年陽侯肆虐廬舍蕩然近經兵燹益復蕭條攬勝者不無滄桑之感矣

豐樂隄在縣治西張大渡漢陰山南直接對岸著山長六十丈八尺高二丈五尺康熙五十年請帑勦築中建石閘以待蓄洩雍正五年決十餘丈復經修理完固現仍崩坍隄址僅存

按此隄逼近官湖南湖最易衝決且襄河之水旣由平塘內灌大江之水復由火巷外侵故隨

築隨坍甚費躊躇近因剏修琴彈口永豐隄及江隄足資前後保障故未議及修復然畱心體察隨時修補於民生要不無裨益云

永豐隄在縣治西北琴彈口長五里計六百丈有奇高一丈三尺隄面寬一丈五六尺至二丈隄腳寬七八丈至十丈不等道光二十年郡守夏廷楨知縣趙德轍倡率紳商葉志詵姚必遠汪榮祿胡元吳世銓陳萬鵬等捐築中建石閘按時啟閉名永豐閘隄外植楊柳數千株以護之二十二年工竣

續輯漢陽縣志

卷之七

隄防

五

同治七年邑令王庭楨率首士韓允鉉杜寶善等重修子隄一道計長二百五十六丈高八尺

江隄一名攔江隄在縣治西南沿江一帶東至三里坡藥王廟西至沌口蝦蟆磯長三十里高一丈三尺餘舊以江岸爲隄夏秋水漲必資搶險歷年由邑人徐蔭堂胡直夫易素恬倪玉山等經理嗣因火巷溝拈花寺二處冲潰道光戊申年胡元募貲重修完固同治戊辰邑令王庭楨以蝦蟆磯低於隄隄身易傷復加石六層以護之計高五尺有奇

保豐垸隄在縣治西二十五里道光時邑人陳萬鵬  
徐亮遠等修築同治七年復由官紳加高三尺

馬家渡隄在蔡站西南五里雍正三年邑人李俊有  
築約長半里高八尺中建石橋今廢

草陽臺隄在蔡站西五里馬家湖汊西長五十丈高  
一丈五尺寬一丈中建石橋傍置柳故隄圯嘉慶  
十年朱正倫募修

千湖涇隄舊志云奉文堵築勒有碑約後爲勢家所  
開河水遂涸居民深苦不便今若堵塞如故實永

續輯漢陽縣志

卷之七

隄防

六

賴云

德豐垸隄在縣治西南小麥湖自蛇山頭起至裴家  
山止長七里三分面寬一丈二尺道光二十六年  
居民集資築修二十九年潰同治二年重修

雜湖隄在縣治西九十里康熙十三年首士朱士棨  
募修

東西楊柳隄

室安隄

李家隄

蓮花隄

青草隄

山嘴隄

石林隄

譚家隄

謝家隄

鄭家隄

以上舊俱屬平塘河泊所

高作陂在縣治西六十里宋慶元中築隄首尾置青

龍永濟二閘長四百八十七丈高七丈至一丈五

尺濶如之

龍船陂

張豔陂

老鴉陂

八公陂

杜陵陂

曹公陂

續輯漢陽縣志

卷之七

隄防

七

東莊陂

良思陂

廟林陂

以上舊俱屬馬影河泊所

唐家陂

曹家陂

以上舊俱屬桑臺河泊所

舊志漢陽邑境約方百里大都為山者十之二為

土田為廛舍者十之三而水居其半當七八月江

水洶湧橫截漢沌諸水之口不能外洩反引江水

逆流而上直溢湖中而沿湖羣山及百葉之水又

復奔注隄脚表裏剝蝕爲之隄者譬以一犬飼兩  
虎鮮有能勝者矣惟附近城鎮諸隄居民稠疊每  
歲或幫築或捐修尙可不致坍塌而平塘馬影桑  
臺諸河所屬隄陂因名徵實或有或無陽侯稍虐  
卽難奏效豈非水勢有難禦人力有難齊工費有  
難措如上所言諸弊之爲者哉

舊志漢陽水利考略郡城與武昌對峙大江環抱  
東南漢水合灑水沔水沌水入大江會於郡北漲  
則瀰漫於諸湖爲卑窪田地之患按縣舊有襄河

口在漢口北岸十里許卽古漢水正道漢水從黃  
金口入排沙口東地轉折環抱拈牛洲至鵝公口  
又西南轉北至郭師口對岸曰襄陽口約長四十  
里然後下漢口明成化初於排沙口下郭師口上  
直通一道約長十里漢水徑從此下而古道遂淤  
且漢口雖爲漢水瀉流之地但爲江水洶湧橫截  
其口流不能洩復西折而上故太白新潭馬影蒲  
潭沌口刀環等湖易以泛濫而春夏水漲郡治常  
苦浸淫之患其障禦全藉大別一山故從來不設



隄防

按漢陽各鄉所屬之十八里唯湘一里以龍霓山爲衛湘四里以九真山爲屏湘二里亦依附龍霓山後地勢較高無虞澇歲下此則玉一里其貼近尉武山之數村稍資捍禦玉二里山多於水不至汎濫玉三里村落陂陀雖不一近開金牛港疏洩有路得以少安若湘三里及五里則專以太白湖水汎之遲早定收成之豐歉而已山陽數里眾流所歸山之一里河踞於西而

江激於東山之四里湖環其內而江繞其外其二里實受楮山湖之偏其三里又虞太白湖之侵洚洞之災其幸免者僅矣懷澤勢尤卑下一里三里俱濱大江二里爲襄河南湖交匯之區盤渦潰湧無歲無之漢陰偏處南湖鳳棲襟帶江漢降而豐樂形勢平行間有土壤微高之處亦不足以資保障且數十百里洪濤衝激亦非小小隄塍所能支故古人有言曰江漢以南灘溜以東雖周公亦不能塞溪壑平澗谷夷邛陵

而復井田之制也然而人謀宜豫古法堪師所  
賴留心民瘼者相度乎溝洫畎澮之利斟酌乎  
蓄洩啟閉之宜庶幾狂瀾之砥柱也乎

附錄

金牛港工一千七百二十二丈

大頭河工六百八十六丈

河灘工一千二十丈

牛湖缺口工一百丈零

按以上各工見於劉太守斌復江漢水利記中

續輯漢陽縣志

卷之七

隄防

十

蓋嘉慶丙寅汪稼門制軍舉行楚北水利故記  
皆舉全省言之非但漢陽一邑也因節去其文  
而以各工段附隄防末云